



Ramhlun North YMA Chanchinbu

"YMA thuvawn: YMA chu tanpui ngaite tanpuitu a ni"



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43

Issue No. 18

Ramhlun North: Ni 3 May, 2025



BRANCH THU THAR

■ May ni 2, 2025 Zirtawpni Zan khan Sunrise Villa, Lungdai ramah Branch Executive Committee leh Section hrang hrang committee te intuaitharna hun neih tum a ni a, mahse khua in min bumro tak avangin tum angin hun a hman theih ta lo a, zanriah kil hoin, programme chu hun danga hman leh tura ruahman a ni ta a ni. Ruahsur leh khaw nuam lo taka programme hman tura kal zawng zawng chungah RN YMA-in lawmthu a sawi tak meuh a, Sunrise Villa a thlawna min hman tirtu Pu R Lalrinmawia, V-Sec chungah RNYMA-in lawmthu a sawi a, he programme section intihsakna neih tum atana lawmman tur Silpauline min petu Dr. Vanlalhlana, MLA chungah RNYMA-in lawmthu a sawi baw.

■ May thla khawhar in hruiatu turte Leader: Pu John F. Lalrinsanga Asst. Leader: Pu Lalhriatpua OB i/c: Pu Thandlingiana Member: Pu Vanlalruata Ralte Tv. Lalawmpua Pu Lalrampana Nl. Laldusangi Pachau

■ Jersey tlangzarh programme A hun : Ni 4 .5.2025 Chawhma Inkhawm ban. 11:30 AM A hmun : YMA Committee Room. Hruaitu : Pu Lalrochama Chairman. Introduction: Org. Secy. Technical Report: Manager, Tlangzarhtu: Pu Laldingiana Sailo Players te hnen a jersey inhlan : Branch OB & Sponsor-te.

■ Khuangchera Section te chuan an budget chanve Rs. 4000/- branch-ah an theihlut. Tin, intuaitharna pualin branch-ah Rs. 2000 an chhung lut

■ Matric pass thar te MARYMA- a chhuah turin hming, Nu/Pa hming, Section leh Division leh letter hmuhna te chiang taka tarlangin **Ph: 9862132688** (Nl. Lalrotluangi, Jt. Editor) ah hian tun kar chhung ngeiin thawn tur a ni e. Branch Executive in rem a tih chuan PASS LAWMNA turah rin nghal a ni ang

MATRIC RESULT A CHHUAK TA

(V. Lalremruata, K-Sec. chu 7-na a ni)

Ramhlun North, the 3rd May, 2025: Mizoram Board of School Education (MBSE) chuan ni 29.03.2025 Thawhlehi chhun dar 12 khan High School Leaving Certificate (HSLC) Examination 2025 result a tichhuak a, zirlai exam 18,946 zinga 14,527 (76.86%) an pass a, pass percentage hi nikum aini 3.31%-in a sang zawk.

HSLC 2025-ah hian pakhatna chu PC Lalthakimi d/o Darthuama (L), Armed Veng, KD High School, Aizawl a ni a; top 10-ah mi 24 langin, mipa 14 leh hmeichhia 10 an ni a, hnam dang pahni an tel.

Exam hmachhawntu zirlai 18,946 zinga 18,603 chu regular student niin, private-a exam mi 343 an awm a; regular student zingah 14,367 (77.23%) an pass a, private candidate zinga 160 (46.65%) an pass. Zirlai 4,355 an fail a, Compartmental chance nei zirlai 64 an awm. V. Lalremruata s/o Laldusanga K-Sec. St. Joseph Higher Secondary School-a lut mek chu Mizoram pumah 7-na a ni.

Kan veng atangin school 6-in Matric Exam hi an hmachhawn a, hengte hi an result tlangpui ani:

School	Apprd	Pass	Fail	Dist	I Div	II Div	III Div	Compt	Pass %
Govt. HR-HS	22	18	4		2	4	12		81.81%
Holy Child School	25	25		1	9	11	4		100%
Mont Fort HSS	23	23		2	8	11	2		100%
St. Joseph HSS	209	209		124	77	8			100%
St. Stephen HSS	46	42	4	3	19	14	6		91.30%
Northern Academy	10	10			3	7			100%

Ramhlun North Branch YMA chuan zirlai hlawhtling zawng zawngte a lawmpuiin an kal zelna turah duhsakna a hlan a. Veng tan mai ni lo, ram tana mi tangkai tak ni thei tura inchher hriam in an zima kawng zawh zel turah thanem ngai taka zir zel turin duhsakna a hlan baw a ni.

RAMHLUN NORTH BRANCH YMA LIBRARY HAWN ANI TA

April 30, 2025 Nilai ni zan dar 8:30-a Library Sub-Committee Meeting vawi 2-na rel angin, Library hi vawuin ni 3 May, 2025 Inrinni Chawhnu Dar 1 atanga hawn tan a ni a, membership drive kan la neih hman loh avangin lehkhahu hawh chhuah erawhchu a la rem rih lo. Library hi kar khatah vawi khat, Inrinni tin, chawhnu dar 1- 3 inkarah hawn ziah a ni ang.

YMA Library Membership Drive hi May 6, 2025 Thawhlehi ni zan atangin Section hrang hrangah neih tum a ni a, chhungkaw khat tan kum khatah Rs. 100/- a ni ang. Veng chhung mipuite Member ni theuh turin kan sawm che u a ni. Library-ah hian Internet chak tha tak dah a ni a, Member-te tan wifi a thlawna hman theih a ni ang.

Library Member-te tan tum khatah lehkhahu Pathum (3) zel hawh chhuah theih a ni ang a, kawh theih hun chhung hi kar khat zel a ni ang. Kar khat chhunga return hman lo chuan renew zel tur a ni.

Library-ah hian Naupang pual thahnem zawk buatsaih tum a ni a, hemi tur hian hmalak mek a ni. Tun atanga rei vak lovah naupangte tana tlawh man hla taka siam tum a ni baw.

YMA Library hi veng chhung mipuite ta liau liau a ni a, hman tangkai theuh turin kan insawm a ni. Library hi Chawngbawla Run First floor-ah sawn a ni tawh tih kan inhriattir a, Library hi a zau nuam a, lehkhah chhiar nghal pawh a remchang hle. Hnam fing apiangin Library an hlut a, khawtlang leh ramin hma an sawn phah thin.



Hlawhchhamna hneh rawh

MBSE-in pawl sawm result a tichhuak ta a. A then an lawm em em a, awm ngaihna hre lo lek a a zuan tawr taw laiin thenkhat erawh chu rilru nâ leh hreawm ti em em in an indawmkun reng thung a. Chutih laiin thenkhat chu an hlawhtlin loh avanga hreawm ti awm em em pawh a lang lo ang maiin an awm thung.

Kumtluaana hahtaka lehkhazir an nih avangin result tha takan neih khan an lawm em em a, lawmpui pawh an phu hle a ni. A thawhras seng an ni a, tuna an result hian an kal leh zelna turah pawh kawngro nasa takin a su ngei dawn a ni. Pass tharte hi tuna an hlawhtlinnaah hian duhtawk mai lo se, an kal leh zelnaah pawh hlawhtlinna nei chho zel tur hian an zir chhoh zel a ngai dawn a ni.

Chutih lai chuan hlawhtlinna chang zo ve ta lo pawh mi eng emaw zat an awm bawh a. Kum khat tal tap maia an zir kha engmahloah a chang ta hialin an ngai hial thin a ni. A pawl hle rualin hlawhchham nia kan inhriatna atâng hian thil tam tak zirchhuah tur a awm tih erawh hi chu hriat tel a tha.

Vawikhatnaa kan hlawhtlin nghal mai loh avang khan hlawhchham ta em em a inggaih tur a ni lo. Edison-a khan 'electric bulb' hmuhchhuah a tum lai khan, a hlawhtlin hmain wavi sangkaw chuang teh tlawng mai kha a hlawhchham a. Mahse chu a hlawhchhamna chu a inkawihbeh tir duh loh avangin vawiiinah hian khawvel chuan a chhawr em em a ni.

Keini pawh hi a vawikhatnaah hlawhtling nghal lo mah ila, kan theihtawpa kan beih tauh tauh chuan hlawhtlin hun chu kan nei ngei ngei ang. Tumruhna leh thawhrimna nen hma han la tha leh ila hlawhtlinna hi chu kan hma lawkah hian a awm reng zawk a ni.

I lo hlawhchham tawhna kha inhnehtir reng reng lo la, i inhnehtir a nih vaih chuan engtikah mah i ding chhuak ngai lo ang. Tuna i hlawhchhamna kha i tan malsawmna-a chantir turin bei la. I hneh thei a ni tih kha nangmah leh nangmah inhrihlin, a hma aia nasa leh zualin bei la, taihmakna nena i bei a nih phawt chuan hlawhchhamna chu i hneh thei a ni.



KHAWTHLIR

NEIHDAWN KHAW HMUN HLUI

Neihdawn hi Khawzawl District-a awm niin, a tir te kha chuan in za nufa khua an ni a, tunah erawh an thang in, an tam ve tawh ngei ang. Sawrkar in Nikuala a man hnu deuh kum 1894 khan hla phuah thiam Patea pianna hmun Mualkhang, Nikuala fapa Dokhama hova an awm lain Zuchhip Lal Thlahmunga fapa Thanherha Zahau hoin chhungkaw 30 vel chu Neihdawn hian an kai a.

Heta tang hian Neihdawn chu tun thlengin mei mit lovin a la awm a, khaw upa tak a ni. Thanherha hi Nikuala pasaltha a ni. Neihdawn hi British sawrkarin min awp lai khan Aizawl to Falam via Champhai kawng khan a paltlang a, kum 1895 vel khan Neihdawn hian Inspection Bangalow hmasa ber sak a ni a, chu chu kum 1907 khan sawrkar in a sa tha leh ta a ni.

Tuna Neihdawn khaw awmna atanga hmar lam hla lo km 1 velah Fâr Tlâng leh Liana hmun an tih mai hmanlai khaw hmun hlui hmuh theih in a la awm a. Heta khawsa te hi an sulhnu atângin Zohnahthlak an ni tih a hriat theih a, Lusei hovin an um tiau Hmar thlang tla ta zel kha an ni tih an sulhnu atângin a chhui dawn theih a ni.

Helai hmun heng hmar ho khawsak hun kha kum 1899 a Rev. DE Jones/ Pu Hluia record nen chhui dawn in kum 1750 - 1790 vel a nih a rinawm. Amah erawh chu, lungphun pakhat, an Lal lungphun ni ngeia hriat ah silai lem pakhat hmuh tur awm a, Mizote'n silai kan neih hun nen chhui dawn in hei hian heta an awm hun kha hei aia hnung zawk, kum 1800 hnu lam deuh thlengin a ni awm mang e tih a rin theih bawh. An Lal khan silai pakhat a kawh tih lungphun atângin a hriat theih a, heta awm hun lai leh Mizote'n silai kan neih tan hun kha a induh vel hmel khawp mai.

Neihdawn upate chuan, helai khaw hmun hlui hi 'Liana Hmun' tiin an sawi mai a, hmar Lal ni ngei a ngaih a ni. A ropui laiin sang khua an ni ngei ang tih khaw bu atângin a hriat theih a. Helai a khawsa te hnu hma mak deuh pakhat chu lung an hmang nasa hle mai hi a ni. In sakna/dinna leh a vela an lungrem tam tak mai te, kawtchhuah lungdawn awmna te, Zawlbuk leh Lal mualzawl hnu hma te hmuh theih in a la awm a. An sulhnu tuna la hmuh theih zinga mak ber chu lungphun lian pui pui, feet 12 vela sei, feet 4 vela hlai an la khawm teuh mai hi a ni. A awmna hi tlâng chung zawl, hmun zo vuh mai, theng thaw nuam em em mai a ni.

Khaw hmun hlui ah hian lungphun tlu tawh hmuh theih a la awm nuk a, heng lungphun tlu te hi a hmai lehlamah milem inziak a awm nual a rinawm a. Lungphun tlu la hmuh theih hi 20 dawn chu a awm

awm e. Tin, lungphun ding mek hi 7 vel a awm a, a lei seh chin-a bung, a bul lam la ding 5 vel a la awm bawh.

Lungphun thenkhatah hian hmanlai sulhnu lung milem, lung verh, thi lem, lung kêr kuar, etc hmuh tur a awm bawh. An in leh a vela an lung rem tih hriat hmuh theih hmun hrang hrang 20 vel la awm hi a mâk hle mai a, hmanlai pipu te kha kum 5/6 vel bak an hmun ngai ah an awm meuh lo va, ram tha zuan in an insawn zung zung a, heng lai hmun an lungrem erawh an sulhnu atâng hetah hian hun rei tak an awm tih a rin theih tlat a ni.

Tin, a khaw hmun hnuai lamah Râlven Tlâng tih hriat kham chungah a awm a, chutah chuan lungrem leh lungphun tlu bakah lung an verhna hnu hma thenkhat hmuh tur a awm bawh.

Helai hmun danglam lehna pakhat chu heta khawsate hian kawngpui an sial hi a ni. An kawng lei rut hi a zâu hle a, hetiana kawngpui he khawpui panna an sial hi a chhan awm a vang hle a, heng lung lian tak tak an lak khawmna kawng hi a nih a rinawm. Tin, an kawng lai hnu hma atâng hian hmanrua an nei tha viau ang tih an kawng lai kopang la hmuh theih atângin a chhui dawn theih bawh.

Tin, he hmun hlui hnaih ah hian 'Milu Pûk' a awm a, chung 'Milu Pûkah' chuan tun hma deuh khan ruho thahnem tak hmuh a ni a, pûk thenkhat ah hian ruho la hai chhuah loh, hai chhuah theih a la awm in Neihdawn pa thenkhatin an la beisei a ni.

Helai khaw hmun hlui, Liana hmun an tihah hian tun thlengin hmanlai hmanrua, vaibel, bel, khuhhriang, no, etc an la hmu fo a.

Tlem lai deuh khan Lungphu ni ngeia ngaih naupang kum 5 kut tum tia vel chhar a lo ni tawh a, hemi hma deuh hlek hian hlum bel khat in, hmanlai pawisa an lo chhar tawh bawh. Finfiahna tha tak chu awm lo mahse, thawnthu ah chuan Liana hian Lung pasarih a phun a, heng pasarih zinga pakhat hian a ro a phum ni-a sawi a awm bawh.

Helai hmun hi a taka hmanlai khaw hmun hlui hnu hma Chiang tak maia la hmuh tlem te zinga mi, Mizo hnam rohlu tak a ni. Lung tlu tawh mu zuahte hi tun that leh vek a tul hle (Sateek-a tuna Sibuta lungphun hi AG McCall a tun that leh kha a ni) mai.

Hmanlai kawtchhuah dik tak mai kha helai hmun hlui hian hmuh theih in a la awm a, a hmun hma hi a originality khawih chhe si lovin chei bawl a, mipui tlawh theih a siam a tul hle mai a.

Helai hmun hi zir chian tlak niin sawrkar leh zima in sangte tan tak hmun hlui zima atana excavation neih na tlak, thil hlu hai hawn leh phawrh tur la awmna hmun a ni.

Kum 2024 January ni 27, khan INTACH FOUNDATION DAY pual in Neihdawn hmun hlui chungchang hi an tan bung pawimawh tak ni turin, an thai lang a ni.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lahnunluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lalhuapzaupa, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

DAMLO

■ Pu FK. Lawmsangzuala, N-Sec. pum nuam lo leh nerve lam buai avang Synod Hospital, Durtlanga enkawl chu a lo chhuak leh ta.

■ Pi Lalliani, S-Sec. chu natna hrang hrang avangin Greenwood Hospital-ah enkawl mek a ni.

■ Lahnunluanga s/o Vanrotluanga, C-Sec. chu zunkawng hnai awm avangin in lamah in enkawl.

■ Pu Lalrawna, V-Sec. LRM Hospital-a awm chu in lama inenkawl chhunzawm turin a lo chhuak.

■ Pi Lalnunthari, V-Sec. chu Greenwood Hospital atangin in lama in enkawl chhunzawm turin a lo chhuak

■ Pu G. Lalremsanga, S-Sec. chu heart attack avangin Ebenezer Hospital-ah zai a ni.

■ Pi H. Lalmuanpuii w/o G. Lalduhawma (L), C-Sec. in entira Kolkata-a kal chu an lo haw leh ta.

■ Pi Thangtuali w/o R Thangmawia (L) V-Sec. chu Synod Hospital, Durtlang atangin in lama enkawl turin a rawn chhuak.

JAC

■ Vengchhung Step-ah kalna tur dal a thu lo turin thalaite kan in ngen a ni. Tin, zan reia bengchheng siam lo turin kan inngen baw k a ni.

■ Vengchhung mipui te zan mut hnuah rukru leh mi sual laka kan him zawk theih nan mahni varanda leh step bul te light on turin kan inngen baw k.

ST. STEPHEN'S SCHOOL RAMHLUN 'N, AIZAWL

ADMISSIONS: C-XI (Arts & Sc)

*Zirtutu tha tak te enkawlina *Zirlaite hmahlir neihpuina *Zirlaibu piah lam nunphung zirtima

RESULTS : HSS(Arts) 100% Passed (2017 to 2024)
Contact : 9774632726 / 9436333625

EXPERIENCED TUTOR OFFERING TUITION FOR CLASS 1 TO 8

Hna avanga nu leh paten fate lehkhazirpui hman lo emaw tuition kal tir duh chuan; a hnuai a mi ang hian ka lo zirpui thei e.

Class 1-5 : Subject zawng zawng
Class 6-8 : English, Grammar, Mathematics, Science, and Social Studies/Science.

Please Contact - 9862774402

LEI PIAH LAMAH

Rosangi, Kum
82 w/o H.

Thantluanga (L), V-Sec. chu ni 27.04.2025 (Pathianni) zing dar 12:20 khan a boral a, heni ni vek chawhnu dar 1:00 khan Ramhlun North Thlanmual, Zemabawkah vui liam a ni.

Lusun khawhar chhungte thlamuanto Pathianin vengin awmpui zel rawh se.



ZIN & HAW

■ Pu Lalfamkima kan President hlui chu Vellore-ah inentirin a kal.

■ Pu VL. Pianruala, ECM chu hna pawimawh buaipuiin Khanpuiah a zin.

■ Pu Lalremsanga Hnamte, C-Sec. Asst. Leader chu chhungkaw pawimawh avangin Serchhipah a zin.

■ Pi Ngurmawii S.Sec Hyderabad a zin chu dam takin alo haw leh ta

■ Pu Chhuanmawia, C-Sec. leh Pi Lalduhawmi nupa bakah an fapa Pu Lalliantluanga te chu Vellore-ah inentir turin an kal.

■ Dr. G. Lalthianghlina C.Sec inentir turin Vellore ah an kal .

■ Pu Richard Lalsangzela te nupa, C-Sec. chu an hnathawhna hmun Khawzawl ah an kal leh ta.

■ Pu K. Lalremtluanga, V-Sec. thil tul buaipuia Tlabunga zin chu a lo haw leh ta.

■ Ni. Lalramsangi d/o K. Lalramthari K-Sec. chawlh hmang a rawn haw chu a zirma hmun Hyderabad-ah a kal leh ta.

■ Pu Lalthlengliana, ECM hna thil a Samthang leh E. Lungdara zin chu a lo haw leh ta.

■ Dr. Vanlalthana, Bialtu MLA chu hna pawimawh buaipuiin New Delhi-ah a zin.



LAWMAWM

■ V. Lalremruata s/o Lalduhsanga, K-Sec. chu HSLC result chhuakah a pumpuiah 7-na a ni.

■ Tv. Lalawmpuia s/o H. Lalrinawma, C-Sec. chu Mizoram Civil Services Combined Competitive Exam-ah 4-na a ni.

■ Christopher Lalchhuanawma leh Pi Lalhmunsangi te chuan Civil Hospital, Aizawlah fanu an nei thar

■ Pu David Lalrinzuala leh Pi Noel Zothanpuii, V-Sec. te chuan fapa Synod Hospital, Durtlangah an nei thar.

■ Hmingthanauva, K.Sec. leh Lalngaisaki, Thingsai te chuni 1.05.2025 (Ningani) zingkar khan Ramhlun East Kohlrhan Hall-ah an innei.



KEIMAHNI

■ Pu H. Lalrinawma, C-Sec. te chhungkua chuan an fapa Tv. Lalawmpuia, MCS tlin lawm nan kan thingpui inna tur min tum sak leh ta rup mai. Kan va han lawm tak em!!

J. Malsawmzuali, T-Sec. chu MARYMA agent atan ruat thar a ni.

THILDANG

■ LBS SUZUKI 22nd Inter Branch YMA Football Tournament kan Branch tan a khel tur te:-

1. PC Zothansanga V-Sec.
2. R. Lalhlimpuia S-Sec.
3. Michael Lalmalsawma S-Sec.
4. Lalrinchunga N-Sec.
5. Isaac Lalhruaisanga K-Sec.
6. John Lalduhawma S-Sec.
7. Malsawmtluanga K-Sec.
8. Frankie Vanlalruatfela K-Sec.
9. Vanlalduhawma K-Sec.
10. Lalfakzuala S-Sec.
11. V Lalchhuanawma S-Sec.
12. Vanlalremruatpuia N-Sec.
13. J Lalhruaitluanga V-Sec.
14. J Lalruatsanga V-Sec.
15. Lalremtluanga C-Sec.
16. PC. Lalnunthara V-Sec.
17. R Zodinsanga S-Sec.
18. H Lalramhluna C-Sec.
19. Zonunsanga S-Sec.
20. Rodingluaia K-Sec.
21. Vanlalruatsanga V-Sec.
22. Vanhmingmawia T-Sec.
23. C Vanlalngbaka S-Sec.
24. Isak Ramengmawia C-Sec.
25. Lalchhanhima K-Sec.
26. Vanlalhriata K-Sec.
27. Lalremsiama S-Sec.
28. Lalhlimpuia S-Sec.

Coaching Staff

Coach : Pu V. Lalchhuanawma, S-Sec.

Asst. Coach : Pu Zothanmawia Khiangte N-Sec.

Manager : Pu A. Lalfakzuala K-Sec.

Asst. Manager : Pu Zomuanpuia Zadeng T-Sec.

Physio : Pi Christina Lalrinfeli V-Sec.

Ni 6th May Thawhlehi tlai dar 2:30 ah New Serchhip Chhekhna Branch nen Chite Field ah kan inkhel dawn a veng mipui te en turin kan insawm e.

Sponsor tute, Pawisa fai, eitur leh mamawh min pe tute chungah organising chuan lawmthu a sawi tak zet a ni.

Ruangchhuak: Laltlanchhuaha, K-37 chu ni 01.05.2025 khan Alpha Hospital-ah a boral a, A ruang hi Pu V. Lalnunmawia, C-Sec. inah chawlhpuia a nih hnuin an khua Ngur lam panpuia a ni.

■ MPTA Aizawl East Sub Hqrs. kum 2025-2027 chhung hruaitu President a tan Pu K. Vanlalrova K.Sec. leh Treasurer atan Pi Lalramlawmi K.Sec. thlan an ni



ARTICLE

DAN PALZUTNA - LIRTHEIAH

- Ruth-i pa

Mi tinte lungrual leh inrem taka kan chen ho theih nan inkaihhraina DAN tha tak tak duan a ni thin a. He dan hi kan zawm that phawt chuan thlamuang tak leh hlim takin kan leng za thin. Amaherawhchu, tu in emaw a lo bawhchhiat hian buaina za khua min thlen thei a, tul lo takin hun, tha, sum leh pai, nunna thlengin a tuar phah thei a ni. Mizote hi hnam tihnuam leh thuawih tak ni mah ila, kan hnam naupan vang ni maw dan zawm chung changah erawh kan la hnam in, dan palzut emaw namnul liam mai emaw kan la ching viaw a ni. Hemi kawngah hian kan than harh a hun takzet a ni.

Dan kan palzutna lang sar ber pakhat chu lirthei (vehicle)-ah hian a ni awm asin. Lirthei neih theih dan leh khalh theih dan sorkarin tha takin a duang a, zawm ve mai awm kan nih lain kan palzut liam vel mai mai niin a lang. Kan zawm loh langsar zual tlem han tarlang ila.

Lirthei dahna (Garage) neilo tan lirthei lei a rem lo tih hre reng chungin Dan lo angin dawt hmangin lirthei kan nei phawt a. A dahna turah kan buai leh si a, kawng sir zau deuh laiah leh kan kawt kai remchang deuh laiah kan dah ngawt a, mi dangin min sawiselin kan haw leh hlur thin si. Chhiat rup leh engemaw harsatna lo thleng palh ta se, kan lirthei dah dan in a zir loh avang hian kan buaiin, chhiat lehzualna min thlen palh thei hial awm asin. Dan zawm ngeiin lirthei nei ta ila engmah buaina tur a awm lo ve.

Kum tling lo tan lirthei khalh theih a nih loh thu leh hremna pawh na tak a ni tih hre reng chung si hian, kan fate kum tling lo, lirthei an khalh kan phalsak a. Dan leh dun hre lo, lirthei khalh dan nungchang mawi hre lo, a tlan chak chak leh fimkhur lo deuh deuh an la ni zui. Tawh sual an la tawh lo hlauh va, kan la vannei hram hram zawng a ni. Eng tik niah emaw zawng vanduai hun la awm thei a ni. Chung hunah chuan dan ang taka rorel sak kan nih hunah kan vui thei lovang, hremna hi a na talh dawn sia.

Two wheeler bik hi han sawi ta ila. *Helmet* khum lo chuan lirthei khalh loh tur tih a nih laiin *helmet* khum loh hi eng-e-maw nihnaah kan ngai tehreng emaw ni! Kan khum thatchhe hle a. Pathianni a lo thlen hian *helmet* khum loh phal a ni chuang der si lo, a tu a mah hian *helmet* khum kan tum ta lo emaw ni? Dan bawhchhe chungin Pathian be turin kan kal a, kan biak Pathian hian eng ang takin min ngai ang maw? Chung lam khian a lo duh fir viaw a nih hlauh chuan Pathian bia a, chawimawi tura kal e ti lo chuan kan chhaih kawlh lek a ni ang tih a hlauhawm hle a ni.

Khawi ilo a chhuah vah chang hian lirthei kan lek lam nasa em em a. Kan duhna leh kal kan tumna hmun kan thlen tawh chuan a rem emaw rem lo emaw lam ngaihtuah lo lekin kan lirthei kan dah tawp a, midang tan harsatna kan thlen tih lam reng kan dawn chang ngai lo. Lirthei dah theih lohna hmun te, tlan phal loh leh kual phal loh na hmun te *Traffic Police* an awm loh vang mai in bawhchhiat kan hreh reng reng lo mai te hi inenfiah chu kan ngai hle a ni.

Sawi a, ziah kim sen chi pawh a nilo e. Kan him tlan zawk nan DAN tha taka duan a ni a. Hei hi zawm tlang ila, hahdam tak leh lung muang takin lirthei kan khalh tlang thei ngei ang. Dan chungah leng tumah kan awm lo tih hria a, Dan a lal ber hunah chuan kan ram, kan veng hi a nuam lehzuaw ngawt ang.



ADVERTISEMENT

KC TUI

(10-10)

Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462

SP TUI

(4-3)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047/8730960917

M.S. SEPTIC TANK SERVICE

(5-5)

Septic Tank khat paih fai, commode Block, Pipe Block leh Soak pit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-5)

ISAK SEPTIC TANK SERVICE

(5-5)

Septic tank khat paih fai, Comode Block, Soak pit, Pipe Fitting Repare engkim, khur chhung lut in, A neitu te Lungawi na thlap in kan thawk thin e.

Ph. 9862344971, Bawngkawn south

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna

Ph: 8119969364

(5-5)

LM SEPTIC TANK SERVICE

Septic Tank paih fai leh repairing engkim kan khawih thei e.

Kum 17 chuang experience nei kan ni e

Rate Rs. 4000 per trip

Ph: 6909183193

(5-5)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a felfai a, service hlun leh rintlak kan ni e.

Rate inbiak remna.

Registration: MRS 542 (5-3)

Contact: 9862476439 / 9436199884

HOLY CHILD SCHOOL

ADMISSION OPEN

Nurse to CL-X, Principal office RSC field bulah admission a tih theih reng e.

Contact : 9436154080 / 7005612221

Office hour 10:0 am - 3:00 pm

ROSEBUD SCHOOL: Ramhlun Venglai

Rosebud School, Ramhlun Venglai chuan kumin atang hian Higher Secondary, Class XI (Arts) kan hawng dawn ta a. Arts subject-a tan a ni anga, heng subject te hi thlan theih a ni ang; History/Economics/Political Science/Geography/Education/ Psychology.

Admission hi May ni 1, 2025 (Ningani) atanga hawn a ni ang. Hrechiang duhte tan a hnuaia number-ah te hian zawhfiah theih a ni e.

9436151251 / 7005722540 / 8014158963



URBAN HEALTH AND WELLNESS CENTER RAMHLUN NORTH

Service pek theih te

Inhawn hun 10:00 am -4: 00 pm

(Registration dar 1 thleng a tih theih ang)

OPD inentir theih hun

(Thawhtanni, Nilaini, Ningani)

Thawhlehi leh Zirtawpniah remchan danin Medical Officer in a bial chhunga Sub Center-ah outreach a nei thin ang

■ ANC Service

Thla tin ni 9 ah **Nu Naupai Inentir Ni** hman a ni thin ang. Ni bik kher lovah pawh inentir theih a ni a, naupai laia damdawi ei tur a thlawn a pek thin an ni ang.

■ NCD Service /Screening

Kum 30 chunglam tan bp check leh blood sugar a thlawn in an screen ang. Bp sang leh zunthlum damdawi ei lai nei te tan a thlawn a inentir leh damdawi sem an ni ang.

■ RMCAH Service

Nu naupai leh tleirawlte hriselna chungchang zirtima leh enkawl na pek a ni ang.

■ ELDERLY AND PALLIATIVE HEALTHCARE SERVICE

Veng chhunga kum upa tar chak lo te in lamah a remchan angin inentir neihpui thin an ni ang.

■ ADOLESCENT HEALTHCARE SERVICE

Tleirawlte leh rawlthar te enkawl na leh counselling

■ ABHA ID Generate

Veng chhung mipui te ABHA ID generate duh te buaipui an ni ang

■ Routine Immunization

Hun bi neiin vaccine sem tum a ni a, hemi atan hian buaipui ngai buaipui chhoh mek a ni

■ Lab test theih te

HB	Dengue	Blood sugar
Typhoid	Scrub typhus	Blood grouping
HIV/Syphilis	Hepatitis B/C	Pregnancy test

Sputum (DTC ah thawn sak thin an ni ang)

test hi rapid test kit vek a tih a ni ang

■ Emergency Service (office hour ah)

First Aid pek , Dressing tih theih a ni ang.

Heng bakah hian venflon vuah ngai emaw drip khai ngai te supply awm dan leh dam lo mamawh dan a zirin a thlawn a tihsak vek thin an ni ang.

Vengchhung mipui ten tangkai taka hman i tum ang u.

■ VENGCHHUNG IN SECURITY KAN NEI TA

Local Council te hmalaknain NGO te nen joint meeting-ah vengchhung a lo him theih nan security rawih nise tih chu chak taka bawhzui a ni a, May ni 1 zan khan vengchhung security hna hi tan a ni a veng chhung mipui ten tha tak leh phur taka lo jawiawm turin kan in sawm a, duty te tana harsatna siam lo turin vengchhung mipui te kan in ngen a ni.

■ RAMHLUN NORTH LOCAL TRAFFIC MANAGEMENT COMMITTEE HRIATTIRNA

1. No parking area-ah lirthei park/dah phal a ni lo va, park/dah lui man an awm chuan 4 wheeler-ah Rs. 500, 2 wheeler-ah Rs 200, zel chawi tur a ni. Parking area-ah zan riakin lirthei dah phal a ni lo.

2. Lirthei man an awm chuan manna hmun area group leader/ Asst. Leader hnenah pawisa chawi tur kengin in report tur a ni.

3. Zan riaka motor dah duh tan main road chhak lam, AMC park-

ing area-ah dah theih a ni a, zing dar 8:00am hmain lirthei hi dah sawn leh ngei ngei tur a ni. Tin, mikhual, zan riaka motor dah tur chuan an dahna tur area group leader hnenah an hriattir tur a ni.

4. Kawngpui ti chhe thei zawngin lirthei emaw bungrua sil phal a ni lo.

Midang tana hnaw lo thei ang bera lirthei che lek thin tur leh lirthei nei chuan garage mumal tak nei theuh turin kan inngen a, ruahmanna siamtute hmalakna tha taka lo thlawp theuh turin Local Traffic Management chuan veng mipuite min ngen a ni.

GROUP HRANG HRANG HRUAITU TE LEH AN AREA

GROUP-I : TATKAWNG TUIKHUR-DIET PENG

Leader: Pu Lalrampana

Ph: 8258025591

Asst Leader: Pu R. Lalchhandama Ph: 9436354814

GROUP-II : INDOOR STADIUM-PU K ROHLUNA IN THLENG

Leader: Pu Malsawmdawngliana Ph: 9436199592

Asst Leader: Pu Lalvensanga Hmar Ph: 9436960345

GROUP-III: PU R THANGZUAL(L) IN-PU A. KHUALKUNGA IN THLENG

Leader: Pu R Lalthantluanga Ph:7005503412

Asst Leader: Pu Jacky Zoliansanga Ph:9862858952

GROUP-IV : PU VALCHHUANA (L) IN-PU PB LIANDULA IN THLENG

Leader: Pu PC Laldingliana Ph: 9436360392

Asst Leader: Tv Lalthanchhunnga Ph: 9774030510

GROUP-V: PU Z KAPTHIANGA IN-TLAKLUI THLENG

Leader: Pu H. Rodingliana Ph: 9862818415

Asst Leader: Pu F Laltanpuia Ph: 9366448091

GROUP-VI : PU K ZOSANGLIANA IN- PU LALCHHAWNSANGA IN THLENG

Leader: Pu F Ramdingliana Ph:8787381654

Asst Leader: Pu Lalchhuanmawia Ph:9862362861

GROUP-VII : PU LALZUALA IN- MHIP RUN THLENG

Leader: Pu B Rozamliana Ph: 9862375224

Asst Leader: Pu Ruata Zote Ph: 9436155618

GROUP-VIII: PU J MUANA(L) IN-TLAKLUI

Leader: Pu C. Lalthankhuma Ph : 7005620695

Asst Leader: Pu R Sanghluna Ph: 9089249884

GROUP-IX: PU VL RAWN A ROAD ZAWNG

Leader: Pu C Ruatvela Ph : 9862376005

Asst Leader: Pu Vanrotluanga Ph :9612639926

GROUP-X :PU LALRINA SAILO ROAD

Leader: Pu R Lalremruata Ph : 9436153416

Asst Leader: Pu Lalmuanpuia Colney Ph: 9774955152

GROUP-XI : PU LALREMCHHUNGA IN - PU R DAMA IN THLENG

Leader: Pu K Vanlalsama Ph : 9089671445

Asst Leader: Pu K Malsawma Ph: 9862369833

GROUP-XII: PU C LALNUNMAWIA IN-PU ZOHMANGAIHA IN THLENG

Leader: Pu Lalmuansanga Ph : 9862585249

Asst Leader: Pu Lalneihhlua Ph : 8974221163

GROUP-XIII: VETY QUARTERS - TLAKLUI THLENG

Leader: Dr Lalhmuchhuaka Ph: 9436140724

Asst Leader: Pu Ch Lalnunkima Ph : 9436154510

GROUP-XIV: AMC ROAD LEH LUIKAWR CHHO ZAWNG ZAWNG HUAM IN

Leader: Pu C Vanlalsawma Ph : 8014444904

Asst Leader: Pu C Laldinpuia Ph : 8730842533

GROUP-XV: LOCAL COUNCIL ROAD ZAWNG

Leader: Pu Lalthlengliana Ph : 9612783644

Asst Leader: Pu Revival Lalchhanchhuaha Ph :9506745852

Kum 11 hnuah kan vengin MCS kan nei leh ta

Kum 2014 khan Ramhlun North nula Lalhlmpuii chu The Mizoram Civil Services (Combined Competitive) exam-ah pakhatna (1) a ni a, kum 2025-ah kan veng tlangval Lalawmpuia (Awmawmtea) chu palina (4) rawn ni lehin MCS turin a tling a, a kar hi zau deuh mah se thil lawmawm tak a ni. A hun buai tak karah Awmawmtea hian MARYMA-te inkawmna hun tha tak min siamsak thei a, a chungah lawmthu kan sawi.



(Maryma-M, Awmawmtea-Awma)

M: In chhungkaw chanchin min hrilh thei em?

Awma: H. Lalrinawma leh Lalhmingmawii te fa pathum zinga naupang ber ka ni a, Chawngbawla Section-ah kan awm.

M: I lekhazirna kalkawng min hrilh thei em?

Awma: Middle School hi St. Lawrence, Ramtharah ka kal a, St. Pauls H/S-ah kal lehin, Higher Secondary chu Themann School, Delhi-ah ka kal a, St. Stephens, Delhi atangin BA (English) ka zawh hnuin Master hi DU ah ka zo leh a ni.

M: I zirlaiin thil chhinachhiah tlak deuh sawi tur i nei em?

Awma: Matric-ah mark 1 in top 10 ka pha lo, BA leh MA 1st-ah ka pass. Thiamthei tak tia sawi tur ka ni lo a zir erawh ka zir nasa thung.

M: Civil Service lam hi i tum sa a ni reng em?

Awma: Civil Service hi ka lekhka zirlai atanga ka tum sa a ni.

M: Coaching hi engtik atangin nge i kal tan?

Awma: Kum 2021 Covid lai khan coaching hi online-in ka kal a. Ka tih tak tak tan erawh kum 2023 kha niin, Delhi-ah full course ka kal a, heta tang hian nasa zawkin ka inbuatsaih chho a ni.

M: Prelims-a i tlin zawh khan Mains turin engtin nge i inbuatsaih?

Awma: Prelims kan zawh khan Crash Course ka kal a, mock interview hi Coaching centre hmun hniah ka kal.

M: Coaching kal hi eng nge i ngaih dan?

Awma: A tha ka ti, mahse, coaching kal hi tlin ngei ngeina tur a niin ka hre lo, bul min tanpuitu leh min kaihruiatu atan a tangkai thung.

M: Engvangin nge Optional-ah Political Science i thlan?

Awma: International Relations hi ka tui a, hei vang hian Political Science hi ka thlang a, ka tih that zawk ka rin vang a ni deuh bawh.

M: I inbuatsaih dan i sawi thei em?

Awma: In a awm chuan kawng hrang hian tih tur leh thiante nen hun hman nuam ti ka nih avangin inkhunghan ngai niin ka inhria a, Mualpuiah Private Hostel-ah thla 9 vel chu ka va awm. Tin, kar tawpaw hian Current Affairs hi ka chhiar a, kar khatah hian ni 1 chauh ka hmang thin. GS leh Optional-ah hi chuan routine angin zir hun bik ka insiam thin a, karkhat chhung routine ka insiam thin.

M: Zirna chungchangah sawi belh duh i nei em?

Awma: Mock Test hi a tha ka ti khawp mai, a hnu leh zela ti tur te pawhin zawng chhang ila a tha ka ti. Tin, time management hi a pawimawh lutuk, chhan hman loh hi exam dangah pawh ka ngah thin a, churang chuan hemi kawngah hian tan ka la nasa. Awmze nei deuh zir ve a ngai a, hemi kawnga lo tling tawh leh exam lo bei tawh te rawn tam leh biak tam a ngai.

M: Mizoram bika interview hmachhan tur hian eng nge pawimawh?

Awma: Mizoram GK leh facts & figure hi chian a ngaiin ka hria.

M: Zirna leh thil dang tih kawp hi eng nge i ngaihdan?

Awma: Hun inpek thiam a, tih dan tawh thiam a ngai.

M: Thalaite fuih duhna i nei em?

Awma: A pawimawh ber chu thiam intih loh hi a ni. Confi sual hi a awl khawp mai. Chu bakah chuan zir mawl tawp hi a tha vak lo a, awmze nei zawka zir a tha.

M: Han sawi belh duh i nei em?

Awma: Lawmthu sawi ka duh a, ka inbuatsaih chhung zawnga Pathian min hraina te, hriselna tha min pek avang te bakah min tawngtaipuitu thahnem tak te avangin Pathian malsawmna liau liau a ni. Ka chhungte hian min tuiipuii zirna atana ka mamawh tinreng min tih sak zel a, an chungah lawmthu ka sawi tak meuh meuh a ni. Tin, ka thiante, thurawn min petu te leh zir dan tur min kawhmuhtute chungah pawh lawmthu ka sawi bawh e.

M: Inkawmna hun tha tak min pek avangin lawmthu kan sawi a, i thiamna leh finna te kan ram hmasawmnan rinawm taka thawk turin duhsakna sang ber kan hlan a che.

Awma: Aw le, ka lawm e.

HSLC-a Mizorama Pasarihna

Pu Laldusanga leh Pi R. Lalbiakliani, K-Sec. te fa pathum zinga upa ber, 2025 HSLC Examination-a Mizoram puma Pasarihna V. Lalremruata MARYMA-in kan kawmna kan rawn tarlang e.

(Maryma-M, Remrema-R)

M: I school luhna min hrilh thei em?

R: Nursery to Class IX hi Rosebud School-ah ka lut a, class 9 leh 10 hi St. Joseph Higher Secondary School, Ramhlun North ah ka lut.

M: Class X-ah hian tuna i dinhmun (7-na) hi i nih i inring reng sa em?

R: Mizo leh English kan exam zawh kha chuan ka hnual ve deuh a, English hi Subject dang aini ka harsat deuh a, ka tih chhiat deuh avangin Top 10 a tling hi ka inbeisei vak lo

M: In school-ah hian a thiam thei pawl i ni thin reng em?

R: Ka rilru chu a chak viau chuan ka hria, mahse ka rilru chak vang hian ka inthlahdah ve deuh thin a, Class 9-ah phei chuan keimahni School ringawtah pawh term exam ah 15-na emaw 16-na vel ka ni tlangpui. Pawl 10 kan luh tih pawhin ka la tang em em chuang lo a, 2nd Term kan exam dawn atang chiahin tih tak takin ka zir chho ta a ni.

M: Class X exam tur hian engtin nge i inbuatsaih?

R: Lekhka zir tura min duh avangin ka chhungten in lam chetah min awl a, zing dar 4 velah ka tho a, School kal hma zawng chu ka zir thin. Zan lamah chuan dar 7 atanga 11:30 vel thlang ka zir bawh thin. Tin, Maths tuition hi tlai tin ka kal thin a, hei hian min pui nasa hle.

M: Eng subyet nge nuam tih a, eng nge i harsat deuh?

R: Social Science leh Science hi nuam ka ti ber a, English hi ka harsat ber avang hian min pui turin Comics te ka chhiar nasa thin.

M: Zirnaah engtia kal zel nge i tum?

R: Ka chhungte nen Higher Secondary kalna tur chungchang hi kan sawi ho nasa a, School a hlat chuan kalna leh hawna ringawtah pawh hun kan khawral nasa dawn a, lekhka zirna hun ka ngah thei dawn loin kan hria a, churang chuan kalna hnai tha bawh si kan ngaihtuah ber a, ka luhna ngai hi Mizoram School-a tha ber pawl a ni a, rilruah chuan a lian ber a ni.

M: Eng nge nih i tum a, i chak ber?

R: Naupang te ka nih lai atanga enkawl ngai reng leh zai tawh tawh ka nih avang hian Doctor hi ka nih tum leh chak ber a ni. A bikin Paediatric Surgeon nih hi ka tum.

M: Sports discipline-ah hian enge nuam i tih?

R: Football, Basketball leh Tennis hi ka khel nasa thin. Tennis-ah phei chuan Aizawl District Open Under-10 ah pakhatna ka ni a. Mahse zai tawh tawh ka nih angin ka taksa lamah harsatna ka neih ka nu leh pa ten min hlauh pui avangin ka khel chhunzawm zel ta lo

M: Board Exam pah hian ila inkhel thin tho em?

R: Ka inkhel chuan inkhel reng tur emaw ka tia, lekhka zir ka ngaihsak ngai lo a. Class 9 ka nih thlang kha chuan chawh hi chuan ka la inkhel ve fo thin. Class 10 ka nih kha chuan ka hun awl zawng zawng hi lekhazir nan ka hmang a, ka inkhel hman tawh lo.

M: Inkhawm hian i zirlai a tibuai che em?

R: Ka dam pawt chuan exam lai pawhin inkhawm hi chu ka thulh ngai lo. Tunah hian Ramhlun East Presbyterian Kohhran Chawhnu Tleirawl Inkawm-ah Group Leader ka ni a, ka zirna hian a tawrh phah lo a, Pathian hian mal min sawm zawkin ka hria.

M: Enge sawi belh duh i nei em?

R: A hmasain hriselna min petu leh hetiang dinhmun ka thlen theihna hi Pathian malsawmna vang a ni a, ka lawm hle a ni. A dawtah chuan ka nu leh pa leh kan chhungte zawng zawng, min lawmpuitu leh min puitu te chungah lawmthu ka sawi duh bawh a. Ka pa hian Thawhtanni zing tin ka lu chungah kut ngahin min pui min tawngtai sak ziah a, hemi avang hian Pathian awmpuina leh malsawmna ka dawng nasa a. Tin, St. Joseph Higher Secondary School Principal leh Staff te zawng zawng chungah lawmthu ka sawi duh bawh a, kan zirtirtute hi keini aini an tang emaw ni tih mai tur khawpin min pui a min nawr nasa bawh a, anni avanga hetiang dinhmun thlang hi ka ni ka ti lo thei lo. A tawp bera chuan nu leh pa thu awih hi malsawmna a ni tih hi ur takin ka sawi duh bawh.

M: Inkawmna hun tha tak min pek avangin kan lawm a, i tum te i tih hlawhtlin ngei thei nan duhsakna kan hlan a che.

R: Keipawh ka lawm e.

